

地
14, 39
37

95929

淄川縣誌

卷九

壬部

卷九 壬部

序

三績

星野

學校

古蹟

石刻

塚墓

災祥

仕宦

孝友

疆域

山川

物產

園林

兵事

先賢

公署

祀典

坊表

寺觀

歷代秩官

忠節

自序

古之規國者其道有二曰徵文曰考獻文也者前哲之記載也獻也者耆舊之傳聞也文獻不足則禮樂無徵求諸今日其惟縣志乎吾淄縣志自乾隆四十一年靜海張公續修之後迄今又百數十年矣中間天時之豐歉國運之盛衰民氣之轉移科名之興替加以洊經兵燹外寇侵陵土賊竊據義夫志士之忠憤捐生貞婦烈女之慷慨殉節類皆扶持名教輔翼綱常所當載諸簡編以垂不朽至於錦繡文人山林遺老或學優登仕以輔世佑民或閉戶著書以隱居求志即下至田父野老工商徒隸凡有一技之長一行之善亦例得備書若夫一邱一壑曾為碩人之所

淄川縣志

卷九 自序

一

藝林石印局印

遜棲一園一亭久為名流之所勝詠覽其遺址錄其留題亦可以想見前輩之風雅動後人之景慕則志書之當續所繫豈淺鮮哉顧前此志書之修皆良有司提倡於上而又有文人執筆為之編輯名宿總裁為之鑒定故其徵事也詳而覈其修辭也雅而正今則非其時矣官以屢易而不得久於其任士以終窶而不能自贍其家又誰能以栖栖遑遑之身處單瓢屢空之境而為此不急之文字哉則縣志之久而失修也固宜茲於光緒三十年光州王子賓明府來莅淄任未匝月即奉憲檄提取鄉土志縣中舊無此書明府乃札諭四鄉首士各開具其本路風土人情前賢故事造冊送縣而委余代為撰次凡兩閱月始克竣事

因思鄉土志者即縣志之基礎也雖鄉先生所送冊稿出於倉猝應命語不必精擇不必詳而因其梗概芟其繁冗補其遺漏亦足成書倘不及今纂輯恐後此機會難再逢矣因不揣固陋旁搜前人之著述近撫故老之流傳以及余半生所耳聞目覩凡山川人物土產器用前志所未載者悉取而備錄之寒暑屢易甫得成編雖文筆譚率不敢自附於作者之林而百餘年之事蹟不敢湮沒亦徵文考獻者之一助也倘後之君子有從事於斯役者或不無可採云

宣統三年歲次辛亥

邑人王敬鑄記

凡例

一是編上接乾隆四十一年舊志下至宣統三年止以後不錄

一是編取材以蒲東谷先生淄乘備採為首次則王雪嶠先生鄉園憶舊及雪嶠日記馮毅橋先生般陽詩萃及韓氏邑乘其未備者則以濟南府志補之

一是編採訪編輯以太學生畢綸承為最多次則諸生張明曉貢生韓映站增生國樹棠文童韓振銘亦多裨益其餘各鄉開報者往往不載姓名無從備列

一是編於里甲丁徭田賦兵防郵傳鹽法一概未續緣此一切檔案皆在官府分隸戶兵工鹽襍各科非稟官調

淄川縣志

卷九 凡例

三

藝林石印局印

查無從得其詳悉故暫從缺畧以俟後之君子

一大興王公續志於各門概書曰續某靜海張公續志於各門概書曰重續某今茲編續張公之後因概書曰三續云

一是編並非設局纂修僅就一人之見聞編輯未經明公討論畧漏甚多閱者諒之

三續

宸翰

文廟大成殿扁額

聖集大成

嘉慶御筆

聖協時中

道光御筆

德齊情載

咸豐御筆

聖神天縱

同治御筆

斯文在茲

光緒御筆

中和位育

宣統御筆

淄川縣志

卷九 三續

四

藝林石印局印

三續星野

天文以南北為經東西為緯謹就淄川縣治所值度數約畧計之

經綫以北京

皇居為中心點南北取直計縣治距北京偏東一度四十二分三十秒

緯綫以赤道為中心點東西取直計縣治距赤道偏北三十六度四十三分三十秒

三續疆域

聖朝疆域千年不變前志已詳無庸再贅但自近年興修鐵路編樹電竿凡邑境與隣境犬牙相錯之處一尺一寸亦須分割詳明以便保護謹將鐵路入境出境里數段落逐一登載亦考疆域者所不可畧也

一膠濟鐵路幹道自益都縣西界縣屬之東北界鴻溝莊北入境至新城縣屬張店南出境計長三里又自新城縣之王石莊西縣屬之新鎮東入境至長山縣屬之馬尚莊東出境計長十二里

又自縣屬之東台頭莊北入境至縣屬之王村西出境計長三十里

淄川縣誌

卷九

三續疆域

六

藝林石印局印

- 一鐵路枝道自新城縣屬之張店南入境至縣屬之小莊南出境計長八十里
- 一鐵路引礦岔道自縣城東北三里溝莊東岔起至大荒地煤井止計長十里
- 一電竿自周村南山王莊入境至小莊出境計長七十里
- 一隨鐵路電竿凡幹道枝道引礦岔道均有電竿計長與鐵路同

三續公署

同治元年劉逆據城首先拆毀縣署凡內外堂廡及書役班房并典史衙門一概堆為瓦礫其未毀者除鄮侯祠外惟監獄未動及倉廩數間而已克復後邑侯張公念蔽借得南街翟氏巨宅暫為臨民聽訟之所任滿代者為余公孟僑以借居不便因假般陽書院為辦公之地而官眷別賃民房居住後賀公璞如履任因書院東牆與縣學比隣遂與訓導趙君時學師商借明倫堂西隙地修屋數間圍入書院界內作為官衙內宅至徐公筱山又償買西隣民房一區添蓋花廳及書舍數間規模漸加廓已及汪公味雲宰濬於二門內增建東西考棚十餘間以西偏址基少

狹又借翟紳園地一段補足之於大門懸額曰般陽試院至光緒季年停止科場考棚遂廢而書院試院永作公署矣

三續學校

淄川文廟禮器樂器向稱大備劉逆之變亦未擾及學宮至官兵破城後游勇混入大肆劫掠而廟中陳設若鼎彝鐘簋等物蕩然一空春秋釋奠幾至不能成禮經故廩生高真峯等集有微貲置買瓦缶木槩暫供祭祀之用甚簡褻也至光緒二十三年始經邑侯史公符生學師劉公鄂亭慨然以興復禮樂為己任各捐廉俸以為倡率又勸募邑紳暨閭學文武諸生共出貲財從新購置俎豆樽彝鏞鼓羽籥等事又聘請樂師考取僧生教演登歌合奏之節舞蹈升降之儀盛時文明氣象燦然畧備乃未幾停止科舉裁汰教職教諭訓導兩署鞠為茂草書斗星散守廟無人

淄川縣誌

卷九 三續學校

八

藝林石印局印

人三學諸生有日減無日增而學校不堪問矣又淄川學額向係中學歲科童試入泮者以十五人為率自同治元年克復金陵後奉

上諭凡軍興以來各縣團練經費准核實報銷加廣本縣學額同治六年邑廩生高真峯增生趙廷魁附生翟子深太學生蘇貫一等總彙縣中團練經費核計實數五萬有餘具呈由縣稟懇撫憲 奏請加廣學額得

旨俞允自同治十年歲試為始加廣永遠文武學額各五名加廣一次文武學額各二名自是淄川學額遂與大學相埒矣至光緒三十年停止科舉并小試亦廢書院亦學校中之一事也般陽書院建於康熙三十一年

邑侯應山周公統捐貲創立僅有講堂三間及東西舍各
三个至乾隆十四年邑侯薛公廷棟又振興之然膏火無
備不足以聚生徒至二十二年陳公汝聰甫下車即捐俸
為一邑倡增東西舍為十四个始延師設措脩脯膏火之
費嗣後楊公成龍張公為獲相繼經營又得邑紳王君廷
楠孫君文盛高君糾緒翟君建鐵同事贊勦而肄業生尚
未有定額二十九年趙公王槐又捐俸銀三百紳士孫孝
廉等復捐金有差乃定肄業生正課十有一人附課八人
後又改正課為四生八童附課三十二人爾殄滅劉逆後
查抄從匪逆產并歸書院收租歲入漸充乃不拘正附課
名目以每月官課起特等為膏火厚薄但自余侯借居書
院作為公署歷任久假不歸生徒肄業無所乃就聖廟東
西廡兩頭間舍共計八間暫作學舍間數年當事者乃於
西華門外迤北路東價買民房一所地頗寬展修為書院
於是生徒始免居廡下矣迨後科舉廢考課停書院亦遂
作罷論後且改為中西學堂矣

萬軍泉 在城西太師莊西北冬夏
升泉 在萬軍泉西自石崖縫中迸出泉口若
升泉 在天然生成不假人為故名之曰升泉

淄川縣誌

卷九 三續山川

十一

藝林石印局印

三續祀典

忠親王祠 在縣前西街路北本韓忠烈公祠及張沈二公祠舊址同治三年三月 僧郎帥薨逝於軍

朝廷震悼

賜謚忠親王并

諭令各省凡 王駐師之處皆准建立專祠 王在淄功

德最著於是邑侯張念徽暨閭邑紳耆擇地建廟因韓

張沈三公祠亂後頽廢即其地廓而新之起正殿三間

東西兩廡各三間二門三間大門三間二門外東西官

廳各三間道房二間廚房二間正殿供忠親王像左右

以侍郎全總兵何配饗兩廊祀從征陣亡將官又本省

淄川縣誌

卷九 三續祀典

十二

藝林石印局印

都司姜公名順以在淄勦賊最為出力遇伏陣亡經邑

紳呈請附祀 王祠西廡又于正殿兩頭各建廟一間

左祀韓忠烈公右祀張沈二公以不廢舊勳云

城隍廟 龍王廟 崔軍龍王廟 以上三廟因光緒十

一年五六月旱官民祈禱獲沛甘霖轉歉為豐秋成後

閭邑紳民具呈公懇邑侯李虎臣轉稟 撫院

奏請

賞加各神封號得

旨允准淄川縣城隍

勅封利民并

賜御書匾額一方曰般陽綏佑

本城龍王神

勅封靈誠并

賜御書匾額一方曰仁敷夾谷

崔軍龍神

勅封并

賜御書匾額一方曰岱東保障

文廟

至聖先師光緒三十三年奉

上諭升為上祀

故聖祠祭用太牢

淄川縣志

卷九

三續祀典

十三

藝林石印局印

三續古蹟 石刻

隋高子儉墓志銘

開皇八年十一月二十日

此石於道光年間出土係蘇王莊農人於孝婦河西岸堤堰塌陷掘地得之當報知縣學界置于文廟西廡下教諭李泰源於碑之左側刻字記之

唐金剛經殘石

無年月

此石舊在城北瓦村莊法王院內舊志稱其書法清勁類歐陽率更筆意但歷年久遠風吹雨侵石已碎裂僅餘碎石三塊字多模糊今移於文廟東廡下今查碎石三塊在文廟者僅其一截其一大截仍在瓦村法王院中其字較多碑雖殘缺尚可辨識村人

淄川縣誌

卷九 三續古蹟 石刻

十四

藝林石印局印

移置龍王廟廈下

石刻草書半截千文

舊志謂縱逸中饒有矩度傳為李北海刺淄州時所書首尾俱失已無從考僅餘兩石共存大許嶽縣署庫樓壁上

今查庫樓自同治九年劉逆據城克復後官署焚毀其兩石亦移於文廟東廡下字尚完好

陀羅尼經幢

八分書八面開元九年六月二十六日

此幢在城內西南隅龍興寺外之西南

陀羅尼經幢

八分書八面下截題名正書無年月

此幢在城內東北隅普照寺內 一名開元寺

院羅尼經幢 正書無年月其文內有開元廿載字樣

此幢亦在龍興寺外西北半里許不知何年没入土
中光緒三十二年土人犁地得之字尚大半完好住
持僧人大勝弁置寺內

康叔卿夫人墓誌銘 正書大中十年十一月二十五日

此石係道光年間出土方僅尺餘厚四五寸舊存諸
生李治彬家同治元年劉逆據城克復後此石無存
想燬於兵燹矣

後梁常清淨經石刻 正書貞明二年四月二十一日

在開元寺

後周禮佛會經幢 許顯德撰并序讚僧惠深正書
顯德二年閏九月

淄川縣誌

卷九 三續古蹟 石刻

十五

藝林石印局印

在龍興寺

宋心經香幢 正書雍熙二年五月

在開元寺

普安寺磚塔題名 正書淳化元年

寺在縣西南二十里又名大錫寺

大金山摩崖 正書天聖十年九月一日

在縣南二十五里

房公經幢記 正書篆額元豐四年四月

在普安寺

羅仲宣神道碑 正書元祐三年

在縣南十里蘇王莊東大道旁

金普安禪院勅牒碑 正書大定五年八月

與宋題名同在磚塔上

興教院勅牒碑 正書篆額大定二十四年

金故大定吳君墓表銘 字利落不全錄其可辨者於下

君諱 字大用其先北京著姓世系次第不得而聞
君生于大定長就學于遼陽以少年秀于士鄉馳聲
場屋間歲始翰壯不售于春官乃掉臂出遼陽慨然
欲萬里遊東遵海北陟醫元間西登天山迤邐南遊
山東大定二十一年春在莒濟得始識君于 西
轉運使孫吳賓字一榜 勝淳蒸蒸然春温其弁屨
衣裳君即儀其進退 君素志强毅而

淄川縣誌

卷九 三續古蹟石刻

十六 藝林石印局印

兩從 少合洞尤護落或以僧俠視之此實君

之修 初自京師還里美人 以下闕

忠武校尉充淄州司侯武騎尉高 下闕二字

館武將軍淄州司侯判官騎都尉斜 下闕五字

憲武將軍 都府 昌庫副騎都尉高思俊

憲武將軍 州屯留縣尉騎都尉楊 下闕二字

鄉貢進士盧松齡

清河張 下闕二字 同立石

鄉貢進士孫清美撰

鄉貢進士趙良臣書

無年月 在縣東五里聖水潭廟內觀音閣壁